

衢州文獻集成

〔集部〕

第
172
冊

國家圖書館出版社
National Library of China Publishing House

衢州文獻集成

黃靈庚 諸葛慧艷

主編

〔集部〕

第
172
冊

國家圖書館出版社

(明)金寔撰

覺非齋文集二十八卷

附錄一卷

(卷十八至二十八，附錄一卷)

明成化元年(1465)唐瑜刻本

第一七二冊目錄

覺非齋文集二十八卷附錄一卷(卷十八至二十八,附錄一卷)

(明)金寔撰 明成化元年(1465)唐瑜刻本

.....一

恥菴先生遺稿不分卷

(明)胡超撰
清抄本

.....三九一

袁非翁文集卷之十八

四川按察司按察使弋陽黃濟撰
蜀府紀善書文烈緒校正

序

送鄭太守之官四明序

積歲月錄勞效循資官人以此待常才其法公矣必
欲簡卑賢者未可也以一入所知卒而拔之又從而
試之以文墨按牘之事而視其能不能其法加詳矣
而所守所為或戾焉未可也不限以歲月不計其勞
效不專一人之否不待考之以文墨案牘之事舉知
其賢而公卒之斯得之矣宣德五年冬銓司疏天下
郡缺守者名以聞詔執政大臣合奉在廷之賢者

於是三孤六卿侍郎諸宰士集議於朝堂或曰某官
賢而有守其才足以當一郡衆皆曰然書其姓名于櫝
詢謀僉同得二十五人焉上之天子親署其方復
降詔書優美俾兼傳之官而三山鄭君希五以秋官
尚書郎出刺四明予於二十五年中知希五最稔以
希五一人視之則餘人信皆賢矣四明江左大郡脚
校三老多好持公論被譴不阿中外士大夫林立清
議以希五之所守所為於平昔者往而為郡何待求
蒼於人將公論自有不可應者矣他時治禰第一
當樞轄之地所謂先一州而後天下者當何積哉
之書以資推轂之蒼而試解櫝之才耶嘗聞古人之
優於為郡而劣於輔理者蓋希五豈其然乎

龔母太孺人挽詩序

烏傷龔氏有母年九十無疾而卒其孫永吉方列
官于朝計聞以父歿已嫡長存私當服父之服即
邱第斬衰居廬為位哭盡哀縉紳交游咸起唁又為
賦挽詩以紓其哀既成什介其卿友冬官主事龔君
其來徵言按貞母姓傅氏諱某以子貴封太孺人世
為烏傷望族年十六歸邑人龔印可龔故名閔太孺
人孝事姑嫜敦睦夫黨奉無違禮踰十年生二子叔
安叔寧俱在稚而印可卒乃屏膏沐謝紉織躬履勤
儉固持禮防姻黨稱之無間言及二子孝成為士叔
安登第為戶科給事中卒于官叔寧孝友尚義燕安
節堂以奉母氏之名流咸為詩文以頌美之有孫六

人曾孫八人每嘉時吉日大孺人雲冠霞帔坐堂上
諸婦孫先後張拱奉觴上壽太孺人以悲以喜顧謂
諸孫曰戒為尔家婦中遭變故存存餘僅婦婦孫
備極艱苦致有今日然皆汝先世積善所臻務德向
孝以餘餘慶汝曹宜勉之太孺人年益高動循禮度
中表即族視為女師婦姑妯娌間謂或乖迂聞太孺
人一言無不悔服邑大夫妻文尊禮而承事焉嗚呼
太孺人以盛年惕厉善節復立其門戶而壽考康
寧目見其子若孫豐亨光大天祐報施斯不與
矣若天旌露蒿里之歌萬哀恭錄以昭碩人之
孔儀垂家訓于永世則序而傳之未為過也

徐德全挽詩序

予少游邑庠與前鄉貢進士余彥輝相好德全彥輝
中表昆弟也每出城邑常止彥輝所予因獲與之交
德全為人謙慎和雅好讀書自少至老一日不廢
弗愛憐之彥輝歿後德全之從子簡不識彥輝心與余
同舍自是予與德全往來尤密予在翰林簡亦薦為
下第補太學生濟勵才名日振未及試用嘗以疾客
死京師值予適以內艱去官乃以其柩附予舟南
歸塋之德全哀感不置一日詣庠舍復見其子律在
弟子列而沉潛靜專絕去表襮用心於內所學粹然
不雜予問與德全胥會雖重惜簡之不幸未嘗不深
喜律之將大有成也未幾律果以書經卒於鄉中高
選及會試禮部入廷對俱居上列選入翰林為庶

吉士及授職遂主刑部山西司事所在著聲德全喜
謂所親曰吾家世以讀書為業及吾兄弟幾或不振
此事正坐兒曹而吾兄子又隳於垂成今幸吾子底
于成先業有所付授矣每貽書與律所以勉其立身
行已者甚至入咸多之開化邑乃山中夷曠之地絕
少狹得全所居周數十里皆腴田其平如掌隄上流
為大渠激波冷冷疏溉阡陌間當夏苗澤秀秋穀垂
實水光山色交映迤邐近德全暇日與二三親友散步
墀落斗酒聚歡往來旁問既安且適予因念人仕在
世何幸曹逢 歲時有子既賢而仕仕且顯及已筋
力未衰得與親戚故舊優游田里相安於無事若德
全者豈易得哉噫孰謂其竟止於斯耶律聞計奔述

墓且有湖墓之表志屬在名筆垂信弗朽詞林群公
復為挽詩揄揚潛德用紆哀於存者予與德全舊也
什而叙之嗚呼安順隨化智人之達觀光昭永國孝
子之至願德全殆將無憾矣乎家世行履卒並歲月
表志具載云

贈汪彥琛復令肥城叙

古之明治體者論臨民必曰久久則民安而信之故
政行而不以力勸而無怨于夏曰君子信而後勞其
民其知此道乎仁人志士獲宰一同非不曰百里之
地可以有為也雖然可以植良興賢可以起懦振廉
可以息貪教化可行風俗可厚也至之日未知所宜
施下之人未有所觀聽者不席溫笑默輒更代去歲

或一易置焉或再易置焉既手足不得措則以傳舍
視其位而民亦過客視之上下不相信一切從革苟
簡焉可以有為哉 國朝官人例以九載為一任斯
久矣滿一任乃有黜陟故為令既滿去雖其宜於民
民亦不得留若肥城之民於其令一何至邪汪君以
元年令肥城既滿任循例赴天官其民數千百人詣
闕乞還 上旨許之君復為肥城令又三年以憂去
民詣部使者懇留不可皆悵然矣其所依退乃屈指
計其服闕之期匍匐走伏 闕下又乞還之蓋肥城
之民自其令來二十餘年壯者老稚者壯家人父子
習熟是聞惟知一日不可以無令初不計其例之宜
與否也自非豈弟之化淪浹於人心如此哉孟秋之

奉徽東還伏皇覽部金鳳之頒
見其民老扶幼攜舞并成謠且拜且慶溢于行路
雖古稱循吏得民不道如平而復崇特陳顯路位溢
於才名浮其實者何如耶子與君世交為通家必同
志壯同季文同出而仕顧以不才叨列侍從之臣
不能論思獻納以裨益分寸旦夕惟旅進退竊食俸
祿媿君多矣君行諸友以予盍贈言非直為君頌且
志予歟也

贈考功郎中畢君孝滿序

不矜之人恒靜靜則心平而智明故是非不惑其公
自誇之人多躁躁則心妄而意偏故好惡不得其正
譬若水焉淵渟斯鑑盪激斯撓矣理勢自然也今天

居考課之司以黜陟天下士大夫好惡紛沓于前作
和矜而靜也則出其平與明之器以遏之妍媸輕重
得其自來進退予奪既非我得私則恩怨喜愠何預
哉孔子曰惟仁者能好人能惡人此之謂也反是
則不能矣考功郎中畢君由名進士居其地十五年
予每見其入朝常獨立危坐未嘗與人狎語強笑
其容莊而不厉其氣和而婉其言寡而遜所謂不矜
而靜者君其人焉夫不矜非細故也昔姚崇居政府
對同官決事有德色人不足其量謝上蔡別伊川關
西何所得不止去得一矜字夫以古之名將貴將
如斯而畢君乃若出於自然初不見其德色也
上謂之美過人遠矣予又聞其官考功

里門謝客餘想道有所饒遺皆諱不受而蕭然
居若布衣時則其時守又何如耶他日鈞衡之浩
一理之任君維無意於求之恐公道有所不免耳三
載考績同官之化愛予贈言夫聞人之善而無道之
好德之心也或及予言為過情者豈知予者哉君名
昌字士殷錢塘人

送陳先生致仕还天台叙

永巢中淵閣有以詩經魁多士者曰天台陳遂廷嘉
明年試礼部仍為首冠由是陳氏之詩遂名天下東
南奈者幸相傳誦其文章以為矜式渾涵流麗融夜
無滓要其指歸則又平實淳雅蓋正而葩者也予竊
謂此非祇屑於章句實託誦於口耳者也其講貫

授受必有源委後乃聞其蓋文翁雅昌先生窮經數十年老而弗懈蓋嘗觀其精華歟其芳潤以並燕來李廷嘉自髫髻趨庭迄于壯歲寤寐涵泳習長孔成若性所有其所至豈止韓文哉後數年始識之於翰林和粹之容謙虛之行信知予向所聞者游好未幾而以疾告歸鄉里疾間益肆力於學造詣愈精江右士子業進士者經承其指畫如射之言中矢不虛舛然李後就正務先行實而後文藝談出其門者多尚謹飭而無佻巧型範致然與今年春惟昌先生復由福清按部至年致政李君茂弘謂予曰吾師有陳先生父子為孝者師所向不差矣願得文為先生贈所以慶後進之得所依也而仁羊多岐或東以西不有標準

行將焉歸然則世固有賢如先生父子者於人豈不
有足賴以爲屬先生南歸遂書以贈

贈用化公梁溪之官序

久矣哉吾邑之無令也令非實無也無賢者也吾嘗
見賢者之令吾邑也親士大夫之仁者進耆老之有
行者用其言以察民之好惡而又審之以己之權量
力行而不懈逮其久也翹翹者忙倬倬者龍蓋舉不
敢獵而困者得以有挾民安而利之稅而信之故其
使之也不用符約而自信不煩馳驟而自奔不加束
縛而自固及其空是事也弛然而獲休釋然而無憂隣
對告乎歲有餘力旁邑攘攘我民已息賢者之治邑
利民如此哉又嘗見不賢之令吾邑也士大夫之正